

IV

ԿՈՄՈՒՆԻՍՏՆԵՐԻ ՎԵՐԱԲԵՐՄՈՒՆՔԸ ԴԵՊԻ ԶԱՆԱԶԱՆ ՕՊՈՂԻՑԻՈՆ ՊԱՐՏԻԱՆԵՐԸ

Այն բանից հետո, ինչ ասված է երկրորդ հատվածում, հասկանալի է կոմունիստների վերաբերմունքը դեպի արդեն ձևավորված բանվորական պարտիաները, այսինքն՝ նրանց վերաբեր-

¹ Ֆլանստերներ կոչվում էին Ֆուրյեի ծրագրած սոցիալիստական գաղութները: Իկարիա էր կոչում Կաբեն իր ուտոպիական երկիրը, իսկ հետագայում՝ իր կոմունիստական գաղութն Ամերիկայում: (1888 թ. անգլերեն հրատարակության էնգելսի ծանոթագրությունը:)

Home-colonies (գաղութներ երկրի ներսում) էր անվանում Օուենը իր արինակելի կոմունիստական համայնքները: Ֆլանստերներ էին կոչվում Ֆուրյեի ծրագրած հասարակական պլանտները: Իկարիա էր կոչվում այն ուտոպիական-ֆանտաստիկ երկիրը, որի կոմունիստական հիմնարկությունները նկարագրել է Կաբեն: (1890 թվականի գերմաներեն հրատարակության էնգելսի ծանոթագրությունը:)

* Խոսքը վերաբերում է «սոցիալիստական-դեմոկրատական» պարտիայի օրգան «La Réforme» («Ռեֆորմ») թերթի կողմնակիցներին: Խմբ.

մունքը դեպի շարտիստներն Անգլիայում և ագրարային ռեֆորմի կողմնակիցները Հյուսիսային Ամերիկայում:

Կոմունիստները պայքարում են հանուն բանվոր դասակարգի մերձավորագույն նպատակների և շահերի, բայց այսօրվա շարժման մեջ նրանք միաժամանակ պաշտպանում են նաև շարժման ապագան: Ֆրանսիայում, պահպանողական և ռադիկալ բուրժուազիայի դեմ մղվող պայքարում, կոմունիստները հարում են սոցիալիստական-դեմոկրատական պարտիային¹, առանց, սակայն, հրաժարվելու ռևոլյուցիոն տրադիցիայից բխող ֆրազներին ու պատրանքներին քննադատական վերաբերմունք ցույց տալու իրավունքից:

Շվեյցարիայում նրանք օժանդակում են ռադիկալներին, առանց, սակայն, աչքաթող անելու, որ այդ պարտիան բաղկացած է հակասական տարրերից, մասամբ ֆրանսիական ոճի դեմոկրատական սոցիալիստներից, մասամբ ռադիկալ բուրժուաներից:

Լեհերի մեջ կոմունիստներն օժանդակում են այն պարտիային, որն ագրարային ռևոլյուցիան համարում է ազգային ազատագրման պայման, հենց այն պարտիային, որը առաջացրեց 1846 թ. Կրակովի ապստամբությունը:

Գերմանիայում կոմունիստական պարտիան պայքարում է բուրժուազիայի հետ միասին, որքանով որ բուրժուազիան հանդես է դալիս ռևոլյուցիոն կերպով բացարձակ միապետության, ֆեոդալական հողային սեփականության և ռեակցիոն քաղաքականության դեմ:

Բայց մի բույս անգամ նա չի դադարում բանվորների մեջ բուրժուազիայի և պրոլետարիատի թշնամական հակադրության ըստ հնարավորին ավելի պարզ գիտակցություն մշակելուց:

¹ Այն ժամանակ այս պարտիայի ներկայացուցիչը պառլամենտում Լեդրու-Ռուլենն էր, գրականության մեջ՝ Լուի Բլանը, ամենօրյա մամուլի մեջ՝ «La Réforme» օրաթերթը: Սոցիալիստական-դեմոկրատական անունը նշանակում էր, որ դեմոկրատական կամ սեպուրիկական պարտիայի այս մասը, ինչպես և այս անվան հեղինակները քիչ թե շատ ներկված էին սոցիալիստական գոյնով: (1888 թվականի անգլերեն հրատարակության էնգելսի ծանոթագրությունը:)

Իրեն սոցիալիստական-դեմոկրատական անվանող պարտիայի ներկայացուցիչը Ֆրանսիայում՝ քաղաքական կյանքում Լեդրու-Ռուլենն էր, գրականության մեջ՝ Լուի Բլանը, այսպիսով, նա, ինչպես երկինքը երկրից, տարբերվում էր ժամանակակից սոցիալ-դեմոկրատիայից: (1890 թվականի գերմաներեն հրատարակության էնգելսի ծանոթագրությունը:)

որպեսզի գերմանական բանվորները կարողանան իսկույն ևեթ օգտագործել հասարակական և քաղաքական այն պայմանները, որոնք իրենց հետ պետք է բերեն բուրժուազիայի տիրապետությունը որպես զենք հենց նրա դեմ, որպեսզի Գերմանիայում ռեակցիոն դասակարգերի տապալումից անմիջապես հետո պայքար սկսվի հենց բուրժուազիայի դեմ:

Կոմունիստներն իրենց գլխավոր ուշադրությունը Գերմանիայի վրա են դարձնում այն պատճառով, որ նա բուրժուական ռևոլյուցիայի նախօրյակին է գտնվում, որովհետև նա այդ հեղաշրջումը կատարելու է ընդհանրապես եվրոպական քաղաքակրթության ավելի առաջադիմական պայմաններում, շատ ավելի զարգացած պրոլետարիատով, քան XVII դարի Անգլիայում և XVIII դարի Ֆրանսիայում: Գերմանական բուրժուական ռևոլյուցիան կարող է, հետևաբար, պրոլետարական ռևոլյուցիայի միայն անմիջական նախնորդանք: լինել:

Մի խոսքով՝ կոմունիստներն ամենուրեք պաշտպանում են ամեն մի ռևոլյուցիոն շարժում, որն ուղղված է գոյություն ունեցող հասարակական ու քաղաքական կարգերի դեմ:

Այս բոլոր շարժումների մեջ նրանք առաջին տեղն են մղում սեփականության հարցը որպես շարժման հիմնական հարց, անկախ այն բանից, թե ընդունել է նա քիչ թե շատ զարգացած ձև:

Վերջապես, կոմունիստներն ամենուրեք միավորման և համաձայնության են ձգտում բոլոր երկրների դեմոկրատական պարտիաների միջև:

Կոմունիստներն անարգ բան են համարում թաքցնել իրենց հայացքներն ու մտադրությունները: Նրանք բացեիբաց հայտարարում են, որ իրենց նպատակները կարող են իրագործվել մինչև այժմ գոյություն ունեցող ամբողջ հասարակարգի բռնի տապալման միջոցով միայն: Թո՛ղ սարսուեն տիրող դասակարգերը կոմունիստական ռևոլյուցիայի առաջ: Պրոլետարները ոչինչ չունեն կորցնելու այդ ռևոլյուցիայի մեջ՝ բացի իրենց շղթաներից: Իսկ ձեռք կբերեն ամբողջ աշխարհը:

ՊՐՈՒԵՏԱՐՆԵՐ ԲՈՂՈՐ ԵՐԿՐՆԵՐԻ, ՄԻԱՅՑԵՔ